

Broj nabavke: 1915/19

Broj akta: 2160/19

Datum: 25.11.2019. godine

Na osnovu člana 64. stav 1. tačka b), člana 68. stav 4. tačka i) i člana 70. stav 1., 4. i 6. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14), a na preporuku Komisije za javnu nabavku mazuta date u Zapisniku o pregledu i ocjeni ponuda broj: 2115/19 od 15.11.2019. godine, direktor KP "Budućnost" a.d. Laktaši, dana 25.11.2019. godine, donio je

ODLUKU

o izboru najpovoljnijeg ponuđača

I

Prihvata se preporuka Komisije za javnu nabavku mazuta data u Zapisniku o pregledu i ocjeni ponuda broj: 2115/19 od 15.11.2019. godine i okvirni sporazum za nabavku mazuta dodjeljuje se ponuđaču **"Trigma" d.o.o. Banja Luka**, ponuda broj: 104-03/2019 od 06.11.2019. godine, za ponudenu ukupnu cijenu od **99.400,00 KM** bez PDV-a, kao najpovoljnijem ponuđaču nakon uspješno provedene e-aukcije.

II

Odbacuju se kao neprihvatljive ponude ponuđača **"Hifa-petrol" d.o.o. Sarajevo** i **"Limikom" d.o.o. Banja Luka** jer iste nisu u skladu sa zahtjevima iz tenderske dokumentacije, a u skladu sa članom 68. stav 4. tačka i) Zakona o javnim nabavkama.

III

Prijedlog okvirnog sporazuma dostaviće se na potpis izabranom ponuđaču **"Trigma" d.o.o. Banja Luka** po proteku roka od 15 dana, računajući od dana kada su svi ponuđači obavješteni o izboru najpovoljnije ponude.

IV

Ova Odluka objaviće se na web stranici www.kpbuducnost.com istovremeno sa njenim upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

V

Ova Odluka dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke mazuta broj: 1915/19 od 18.10.2019. godine.

Javna nabavka je sprovedena putem otvorenog postupka javne nabavke.

Procijenjena vrijednost javne nabavke bez PDV-a iznosila je 100.000,00 KM.

Predviđena je e-aukcija i zaključenje okvirnog sporazuma sa jednim ponuđačem na vremenski period od dvanaest mjeseci.

Obavještenje o nabavci broj: 470-1-1-95-3-26/19 poslato je na objavljivanje dana 18.10.2019. godine, a objavljeno je na Portalu javnih nabavki dana 18.10.2019. godine, dok je sažetak Obavještenja o nabavci objavljen u Službenom glasniku Bosne i Hercegovine broj: 72/19 od 25.10.2019. godine.

Komisija za javnu nabavku mazuta imenovana je Odlukom o imenovanju komisije za javnu nabavku mazuta broj: 1916/19 od 18.10.2019. godine.

Komisija za javnu nabavku mazuta dostavila je dana 15.11.2019. godine Zapisnik o pregledu i ocjeni ponuda broj: 2115/19 od 15.11.2019. godine, sa preporukom.

U postupku po Zapisniku o pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri);
- da su blagovremeno zaprimljene 4 (četiri) ponude;
- da nema neblagovremeno zapimljenih ponuda;
- da su ponude ponuđača: "Super petrol" d.o.o. Banja Luka i "Trigma" d.o.o. Banja Luka, prihvatljive;
- da su ponude ponuđača "Hifa-petrol" d.o.o. Sarajevo i "Limikom" d.o.o. Banja Luka neprihvatljive, te je data preporuka za njihovo odbacivanje.

Komisija za javnu nabavku je u Zapisniku o pregledu i ocjeni ponuda broj: 2115/19 od 15.11.2019. godine navela da je prilikom pregleda i ocjene ponude ponuđača "Hifa-petrol" d.o.o. Sarajevo utvrdila da je ponuda ponuđača neprihvatljiva iz sljedećih razloga:

- ponuđač je u ponudi dostavio ovjerenu fotokopiju Certifikata izdatog dana 22.10.2019. godine od strane "Hempro" Gradačac, sa rezultatima ispitivanja robe – mazuta po parametrima. Pregledom Certifikata utvrđeno je da za ponuđeni mazut parametar "Tačka paljenja", prema rezultatima ispitivanja, iznosi 116 °C, dok je u tački 8. Tenderske dokumentacije, koja se odnosi na tehničke specifikacije, određeno da tačka paljenja može biti minimalno 80 °C a maksimalno 100 °C. Nadalje, u Certifikatu je navedeno da je da za parameter "Tačka tečenja" rezultat ispitivanja iznosi 0 °C, dok je u tački 8. Tenderske dokumentacije određeno da tačka tečenja može biti minimalno 30 °C a maksimalno 40 °C. Prilikom pregleda Crtifikata od 22.10.2019. godine je utvrđeno da isti ne sadrži podatke o rezultatima ispitivanja za parametre "Količina vode" i "Količina pepela", tako da nije moguće za te parametre provjeriti usaglašenost istih sa traženim svojstvima.

Komisija je ponudu ponuđača "Hifa-petrol" d.o.o. Sarajevo ocijenila neprihvatljivom obzirom da tehničke specifikacije ponuđenog mazuta, a koje se odnose na tačku paljenja i tačku tečenja, nisu u skladu sa traženim vrijednostima iz Tenderske dokumentacije. Nadalje, Komisija je navela da je ponuda ponuđača neprihvatljiva jer dostavljeni certifikat ne sadrži rezultate ispitivanja za parametre količina vode i količina pepela, te iz tog razloga nije moguća provjera da li su ti parametri ponuđene robe u skladu sa traženim karakteristikama iz Tenderske dokumentacije.

Tačkom 13. Tenderske dokumentacije određeno je da ponuđeni mazut mora odgovarati tehničkim karakteristikama koje su navedene u tački 8. Tenderske dokumentacije, te da su ponuđači dužni kao dokaz dostaviti ispitni izvještaj ili certifikat/uvjerenje o kvalitetu.

Članom 2. stav 1. tačka i) Zakona o javnim nabavkama propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, te da ponuda može biti prihvatljiva - ako ispunjava sve uslove koji se traže tenderskom dokumentacijom, odnosno neprihvatljiva - ako ne ispunjava uslove koji se traže tenderskom dokumentacijom.

Članom 68. stav 4. tačka i) Zakona o javnim nabavkama propisano je da je Ugovorni organ dužan odbaciti ponudu u slučaju kada ponuda nije u skladu sa zahtjevima iz tenderske dokumentacije.

Ugovorni organ je prihvatio preporuku Komisije za javnu nabavku, te je na osnovu člana 68. stav 4. tačka i) Zakona o javnim nabavkama Bosne i Hercegovine odbacio ponudu ponuđača "Hifa-petrol" d.o.o. Sarajevo, jer ista ne ispunjava zahtjeve iz tenderske dokumentacije, a iz gore navedenih razloga koje je Komisija za javne nabavke obrazložila u Zapisniku o pregledu i ocjeni ponuda. Naime, nesporno je da ponuda ponuđača "Hifa-petrol" d.o.o. Sarajevo nije u skladu sa zahtjevima iz Tenderske dokumentacije, obzirom da je iz dostavljenog Certifikata vidljivo da vrijednosti parametara tačka paljenja i tačka tečenja nisu u skladu sa tehničkim specifikacijama iz Tenderske dokumentacije, te da priloženi Certifikat ne sadrži rezultate ispitivanja za parametre količina vode i količina pepela, te iz tog razloga nije moguća provjera da li su ti parametri ponuđene robe u skladu sa traženim karakteristikama iz Tenderske dokumentacije.

Komisija za javnu nabavku je u Zapisniku o pregledu i ocjeni ponuda broj: 2115/19 od 15.11.2019. godine navela da je prilikom pregleda i ocjene ponude ponuđača "**Limikom**" **d.o.o. Banja Luka** utvrdila da je ponuda ponuđača neprihvatljiva iz sljedećih razloga:

- ponuđač je u ponudi dostavio obrasce iz tenderske dokumentacije sa promijenjenim izgledom, te izmijenjenom sadržinom. Tako je ponuđač u izmijenio izgled Obrasca za ponudu u odnosu na izvorni obrazac iz Tenderske dokumentacije, te je, pored toga, dodao tekst o roku plaćanja isporučene robe, a u dijelu koji se odnosi na rok važenja ponude, ponuđač je izbrisao dio u kojem su ponuđači dužni da navedu do kojeg datuma važi ponuda.
- ponuđač je dostavio Obrazac za cijenu ponude koji nije u saglasnosti sa izvornim obrascem za cijenu ponude, koji je pripremljen u Tenderskoj dokumentaciji. Ponuđač je u Obrascu za cijenu ponude naveo rubrike "Ukupan iznos bez PDV-a", "PDV 17%" i "Ukupno sa PDV-om", te obrazac ne sadrži rubriku u koju se upisuje ponuđeni popust. Obrasci iz tenderske dokumentacije sadrže rubrike: "Ukupna cijena bez PDV-a", "Popust" i "Ukupna cijena sa popustom bez PDV-a". Ponuđačima nije dozvoljeno da mijenjaju ili dopisuju bilo šta na izvornim obrascima koje ugovorni organ priprema. Ponuđači su dužni da izvorne obrasce popune traženim podacima i da ih kao takve dostave u ponudi. Samovoljno ispravljanje i dopisivanje na obrascima koji su sastavni dio tenderske dokumentacije odstupa se od zahtjeva iz tenderske dokumentacije, te je iz tih razloga ponuda neprihvatljiva.
- ponuđač nije naveo mjesto i datum davanja izjave o ispunjenosti uslova iz člana 45. stav (1) tačkama od a) do d) Zakona o javnim nabavkama, iako su ti podaci traženi u obrascu izjave, te iz tih razloga nije moguće provjeriti da li je data izjava u roku od 15 dana računajući od dana predaje ponude, kako je traženo Tenderskom dokumentacijom. Naime, u tački 11. Tenderske dokumentacije određeno je da

izjava koju dostavljaju ponuđači u vezi člana 45. Zakona o javnim nabavkama ne smije biti starija od 15 dana od dana predaje ponude. U obrascu izjave, koja čini sastavni dio Tenderske dokumentacije, ponuđačima je ostavljeno mjesto za navođenje mjesta i datuma davanja izjave, koju su isti bili dužni da popune, a u cilju provjere ispunjenosti zahtjeva u pogledu starosti iste. Kako ponuđač nije naveo datum davanja izjave, to nije moguće provjeriti da li je ista data u gore navedenom roku. Pri tome Komisija ističe da datum ovjere izjave kod nadležnog organa nije relevantan, nego datum davanja iste.

- ponuđač je u ponudi dostavio nacrt okvirnog sporazuma, koji je popunio, ali isti nije potpisao. Tačkom 26. tenderske dokumentacije je određeno da su ponuđači dužni da uz ponudu dostave potpisan nacrt okvirnog sporazuma u koji su unijeli podatke iz svoje ponude.

Članom 2. stav 1. tačka i) Zakona o javnim nabavkama propisano je da je ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji, te da ponuda može biti prihvatljiva - ako ispunjava sve uslove koji se traže tenderskom dokumentacijom, odnosno neprihvatljiva - ako ne ispunjava uslove koji se traže tenderskom dokumentacijom.

Članom 68. stav 4. tačka i) Zakona o javnim nabavkama propisano je da je Ugovorni organ dužan odbaciti ponudu u slučaju kada ponuda nije u skladu sa zahtjevima iz tenderske dokumentacije.

Ugovorni organ je prihvatio preporuku Komisije za javnu nabavku, te je na osnovu člana 68. stav 4. tačka i) Zakona o javnim nabavkama Bosne i Hercegovine odbacio ponudu ponuđača "Limikom" d.o.o. Banja Luka, jer ista ne ispunjava zahtjeve iz tenderske dokumentacije, a iz gore navedenih razloga koje je Komisija za javne nabavke obrazložila u Zapisniku o pregledu i ocjeni ponuda. Naime, nesporno je da ponuda ponuđača "Limikom" d.o.o. Banja Luka nije u skladu sa zahtjevima iz Tenderske dokumentacije, obzirom da ponuđač izmijenio izvorne obrasce iz Tenderske dokumentacije, zatim nije naveo datum davanja izjave iz člana 45. Zakona o javnim nabavkama i nije dostavio potpisan nacrt okvirnog sporazuma kako je to traženo Tenderskom dokumentacijom.

Nadalje, u postupku po Zapisniku o pregledu i ocjeni ponuda utvrđeno je da je Komisija za javnu nabavku ocijenila prihvatljivom ponude ponuđača: "Super petrol" d.o.o. Banja Luka i "Trigma" d.o.o. Banja Luka.

Iz Zapisnika o pregledu i ocjeni ponuda je nadalje vidljivo da je provedena e-aukcija, da je ista počela dana 08.11.2019. godine u 11,00 časova, a završena u 11,15 časova, te da je konačna rang lista ponuđača koji su učestvovali u e-aukciji sljedeća:

R. br.	Naziv ponuđača	Konačna cijena bez PDV-a (KM)
1.	"Trigma" d.o.o. Banja Luka	99.400,00
2.	"Super petrol" d.o.o. Banja Luka	99.850,00

Uvidom u priloženu dokumentaciju, nesporno je da je izabrani ponuđač, nakon provedene e-aukcije, najbolje ocjenjen na osnovu kriterija «**najniža cijena**», te je utvrđena sljedeća rang lista:

R. br.	Naziv ponuđača	Konačna cijena bez PDV-a (KM)
1.	"Trigma" d.o.o. Banja Luka	99.400,00
2.	"Super petrol" d.o.o. Banja Luka	99.850,00

U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, direktor Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, a primjenom članova 64. stav 1. tačka b) i člana 68. stav 4. tačka i) Zakona o javnim nabavkama odlučeno je kao u dispozitivu Odluke.

Pouka o pravnom lijeku

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke.



Dostaviti:

- Ponuđaču: "Trigma" d.o.o. Banja Luka,
- Ponuđaču: "Super petrol" d.o.o. Banja Luka,
- Ponuđaču: "Limikom" d.o.o. Banja Luka,
- Ponuđaču: "Hifa-petrol" d.o.o. Sarajevo